

## 1211 Прмч. Стефана Нового в Неделю

Неделя 25-я по Пятидесятнице. Глас 8-й.

Прмч. Стефана Нового. Сщмч. митр. Серафима.

Мч. Иринарха. Свт. Феодора, архиеп. Ростовского.

**А. На великой вечерне «Блажен муж» – кафизма вся.**

**НА «ГОСПОДИ, ВОЗЗВАХ» СТИХИРЫ НА 10:**

**Воскресные, глас 8-й – 6,**

**И прмч. Стефана, глас 6-й.**

**Подобен: «Все отложше...» – 4 (первая стихира – дважды):**

**7. Стих:** От стражи утренния до нощи, от стражи утренния, // да уповаёт Израиль на Господа.

**8. Стих:** Яко у Господа милость, и многое у Него избавление, // и Той избавит Израиля от всех беззаконий его.

**В**есь от юности возложился еси Владыце, / плоти кроме быв, и мирския любви, священнейше, / монах изящнейший быв, Стефане, / и приятелище Божественнаго Духа: / ибо заключился еси, блаженне, в хижe теснейшей, / вперил еси ум к Небесным, / зрети неизреченную доброту Христа Царя и Бога, / Егоже кланяся образу, // пострадал еси крепчайше.

**9. Стих:** Хвалите Господа вси языцы, // похвалите Его вси людие.

Четыредесятъ дний, яко Владыка, постился еси, / в темнице блудомь, / тебе самого ко страданию уготовал еси, / священне Стефане, / монахом утверждение, и мучеником удобрение. / Тем ты яко звери немилостивии нападше, / якоже незлобиваго агнца влекуще, / не праведно растерзашу / и со беззаконными положивше, / страдавша крепко и со дерзновением молящася // о душах наших.

**10. Стих:** Яко утвердися милость Его на нас, // и истина Господня пребывает во век.

Людие пребеззаконнии, / пребеззаконию повинующеся пребеззаконнаго царя, преподобне, / камением тебе яко первострадальца и чест-

наго Стефана нещадно побьша / и главу твою святую, отче, сокрушиша, / по улицам же влекуще суровейше, / излиша утробы твои, всеблаженне, / ниже по смерти ущедряюще тя. / О твоего мужества! О нрава! О многого терпения! // Имже приял еси, Стефане, венец неувядаемый.

**«Слава» – преподобномученика, глас тот же (8-й):**

**О**т младенства Богу возложился еси, / священнейше Стефане, / якоже великий пророк Самуил, / и на гору возшед, монашески угодил еси Ему, / паки ко страданию обнажился еси мужески, / и за образ Его изгнания и скорби / подъял еси терпеливнейше, / и узы и темницы претерпел еси, / влачимь и биемь, и камением побиваемь, / и главою сокрушаемь, / венцев сподобился еси от Христа Бога. / Того моли, любовию совершающим твою присночестную память, / избавитися от страстей и искушений и будущия скорби, // и спастися душам нашим.

**«И ныне» – Догматик, глас 8-й: «Царь Небесный...».**

**Вход. Прокимен дня.**

**На литии стихира храма и Богородичные стихиры Павла Аморрейского, глас 4-й (см. на «Господи, воззвах» в воскресной службе 8-го гласа в Октоихе, без стихов). «Слава, и ныне» – его же стихира, глас тот же: «Престоли егда поставятся...».**

## **НА СТИХОВНЕ**

**Стихиры воскресные, глас 8-й.**

**«Слава» – преподобномученика, глас тот же (8-й):**

**Е**же по образу соблюл невредимо, преподбне отче, / о Христове образе противостал еси мужественнейше, / не убоявся гноеименитаго прещений, / но Духа мечем того убил еси. / Тем дерзновение стяжав к Богу, / спаси паству твою от ересей всех, // Стефане многострадальне.

**«И ныне» – Богородичен воскресный, глас тот же: «Безневѣстная Дѣво...».**

**По Трисвятом – «Богородице Деве...» (трижды).**

### **НА УТРЕНЕ НА «БОГ ГОСПОДЬ»**

**Тропарь воскресный, глас 8-й (дважды).**

**«Слава» – тропарь преподобномученика, глас 4-й,**

**П**óстнически предподвизáвся на горé,/ úмная врагов  
Пополчѣния/ всеоружием Креста погубил еси, всебла-  
жѣнне,/ пáки же ко страдáльчеству мужески вооружíлся  
есí,/ убив Копронима мечем вѣры,/ и обоíх ради венчался  
еси от Бóга,// преподобномучениче Стефане приснопáмятне.

**«И ныне» – Богородичен воскресный, глас тот же: «Еже от вѣка...».**

**Полиелей. «Ангельский собор...». Ипакои, степенны и прокимен – гласа. «Воскресение Христово видевше...». По 50-м псалме: «Слава» – «Молитвами апостолов...». Стихира воскресная, глас 6-й: «Воскрес Иисус от гроба...».**

**Ирмосы воскресные.**

**Катавасия «Христос раждается...». На 9-й песни поем «Честнейшую».**

**По 9-й песни – «Свят Господь Бог наш».**

### **НА ХВАЛИТЕХ**

**Стихиры воскресные, глас 8-й – 8.**

**«Слава» – стихира евангельская 3-я,**

**«И ныне» – «Преблагословенна еси...».**

**Великое славословие. По Трисвятом – тропарь воскресный: «Воскрес из гроба...».**

## НА ЛИТУРГИИ

**блаженны гласа – 6 и преподобномученика, песнь 3-я – 4.**

**По входе – тропари и кондаки:  
[В храме Господском]**

**тропарь воскресный,**

**Тропарь преподобномученика, глас 4-й,**

**П**óstнически предподвизáвся на горé,/ úмная врагов ополчénия/  
всеоружием Креста погубил еси, всеблажénне,/ пáки же ко  
страдáльчеству мужески вооружíлся есí,/ убíв Копронима мечем  
вéры,/ и обоíх ráди венчался еси от Бóга,// преподобномучениче  
Стефане приснопáмятне.

**Кондák прмч. Стефáна, глас 3, подóбен: «Дéва днёсь...»:**

**И**з неплодна, преподóбне,/ кóрене возрастé вéтьвь/ первостра-  
дальцу тезоименíte,/ монахов наставник велик, отче, явíлся  
есí/ и, ярости не убоáвся царя́,/ не хотяща Христов чествовати  
óбраз,/ сего ради скончáвся,// мученический венец прия́л еси, Сте-  
фáне.

**«Слава» – ин кондак преподобномученика, глас 8  
подóбен: «Взбрáнной...»:**

**Т**рóицы рачителя и Божественнаго Стефáна/ восхва́лим вёрно  
пéсньми, празднóлюбцы, от сёрдца,/ я́ко почествова́вша начер-  
тание красное Владыки, и Мáтере Егó,/ и соглáсно ны́не от любвé во-  
зопиим ему, рáдующеся:// рáдуйся, óтче приснослáвне.

**«И ныне» – кондак воскресный.**

**Прокимен Воскрéсный, глас 8:** Помолíteся и воздадите/ Гóсподеви  
Бóгу нáшему. **Стих:** Вéдом во Иудéи Бог, во Изра́или вéлие Имя Егó.  
**Прокимен Прмч. Стефáна, глас 8:** Восхва́лятся преподóбнии во слáве  
и возра́дуются на лóжах своíх.

**Причáстен Воскрéсный:** Хвалíte Гóспода с небéс: **Причáстен прмч.  
Стефáна:** В пáмять вéчную бóдет прáведник от слóуха зла не убойтся.